

From: Unit Komunikasi Korporat
Sent: Wednesday, 28 February, 2018 3:49 PM
To: UUM - All Staff; UUM - All Students
Subject: Universiti Perlu Angkat Bahasa Kebangsaan Sebagai Bahasa Ilmu



Unit Komunikasi Korporat
CORPORATE COMMUNICATION UNIT
Universiti Utara Malaysia

28 FEBRUARI 2018 / 12 JAMADILAKHIR 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

UNIVERSITI PERLU ANGKAT BAHASA KEBANGSAAN SEBAGAI BAHASA ILMU



UUM ONLINE: "Tiada masalah jika ingin mengembangkan bahasa asing tetapi Bahasa Melayu tetap menjadi bahasa utama dan universiti memainkan peranan penting dalam mengangkat

bahasa kebangsaan sebagai bahasa ilmu,” demikian ucapan Prof. Datuk Dr. Awang Sariyan, Penyanggah Kursi Pengajian Melayu Malaysia – China Kementerian Pendidikan Tinggi Malaysia – Beijing Foreign Studies University ketika menyampaikan Syarahan Perdana Profesor Adjung, Profesor Datuk Dr. Awang Sariyan di Dewan Seminar A, Pusat Konvensyen UUM, semalam.

“Kita mesti memperakui kemampuan bahasa Melayu yang dahulunya menjadi bahasa perhubungan antarabangsa (*lingua franca*) seperti bahasa Arab, Perancis dan Inggeris.”

“Orang Arab sampai ke Tanah Melayu untuk menyebarkan Islam selain berdagang dan mereka boleh berbahasa Melayu sehingga berbondong-bondong masuk Islam kerana ilmu berkesan jika disampaikan dalam bahasa sendiri,” ujarnya dalam program anjuran Pusat Pengajian Bahasa, Tamadun dan Falsafah (SLCP) dan Dewan Bahasa dan Pustaka Wilayah Utara.

Beliau berkata, barat mengambil ilmu dalam bahasa Arab dan dipindahkan dalam bahasa mereka sehinggakan nama sarjana Islam diterjemahkan dalam bahasa Inggeris, misalnya Ibnu Sina menjadi Avicenna dan Ibnu Rushd menjadi Averroes.

Menurutnya, mereka mengambil ilmu dan pindahkan dalam bahasa mereka buktinya dalam UNESCO telah menyebut sesuatu pendidikan lebih berkesan disampaikan dalam bahasa itu dan ini selari dengan ayat al-Quran.

Katanya, bahasa Melayu milik semua pemegang MyKad sama ada Melayu, Iban, Kadazan, India dan Cina, namun kadang-kadang bahasa Melayu didiskriminasikan oleh orang Melayu sendiri.

“Saya cakap terus terang, salah orang Melayu juga kenapa orang lain tidak mahu menggunakan bahasa Melayu, orang Melayu sendiri mendiskriminasi bahasa Melayu.”

“Jiran saya ada India, Cina, tapi Melayu sama Melayu cakap bahasa Inggeris. Apa salahnya cakap bahasa Melayu. Bila jumpa orang Melayu panggil Encik Ahmad tapi bila orang Cina, panggil Mr. Lim. Kenapa tak panggil Encik Lim? Nampak mudah tapi ada kesan psikologi,” katanya.

Selain itu, beliau turut mengucapkan setinggi-tinggi terima kasih kepada UUM atas pelantikan sebagai Prof. Adjung. Beliau berharap dapat menyumbang fikiran dan berkongsi maklumat menerusi aktiviti syarahan dan rundingan untuk kebaikan bersama.

“Saya juga dilantik oleh kerajaan sebagai duta celik ilmu di negara China untuk mengembangkan bahasa dan pengajaran Bahasa Melayu termasuk kebudayaan, persuratan dan falsafah,” luahny.

Sementara itu, Dekan SLCP, Prof. Dr. Shukri Ahmad menyifatkan Prof. Datuk Dr. Awang Sariyan sebagai pakar rujuk yang berpengalaman sangat luas dalam bidang bahasa Melayu.

Tambahnya lagi, perkongsian ilmu pada sesi tersebut akan dimanfaatkan oleh para pensyarah dan pelajar termasuk khidmat nasihat yang diberikan oleh Prof. Datuk Dr. Awang Sariyan yang amat disanjung dan boleh digunakan untuk menilai kembali kualiti program bahasa Melayu di UUM secara lebih berkesan dan lebih mantap.

“Saya berharap Seminar Menduniakan Penyelidikan Bahasa, Sastera dan Budaya yang julung-julung kali dianjurkan bersempena program syarahan ini akan diteruskan lagi pada masa hadapan dan berharap kita akan dapat memperkukuhkan iltizam dan komitmen kita untuk menyebarkan sumbangan penyelidikan selaras dengan aspirasi transformasi negara,” ucapnya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)

ANJUNG
Gedung Tamu UUM



AACSB
ACCREDITED



AMBA
ACCREDITED



STARS
RATED FOR EXCELLENCE
2017



AUN-QA
Quality Standard



5th ANNIVERSARY
2012-2017



BETA GAMMA SIGMA
2003-2017



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.